

Pol ndê bapia tênh Pilemon Yom whê bapia dindéc sa-nga

Pilemon dau in ɲac kên whin Pômdau-nga nan ndöc malac Kolosi, ma in ɲac ti lêlôm. Muɲ-nga Pilemon gêmlihi ɲac dan ɲaê Onesimus bu ti in ndê ɲac akin ɲambwa, magoc malô in sin Pilemon ma kölhö gi mbo malac dan. Tinambu Onesimus ɲgô ɲawaê ɲayham nan Pol hoc asê e in gêm dau kwi ma kên whin Yisu. Inlu sêmbo sêwhin dau e Pol bu êɲkin Onesimus mbu tênh Pilemon ndi, dec to bapia dindéc tênh in. Lau Rom-nga si yomsu dan yêc bocdec bu, ɲac akin bocke nan sin ndê ɲadau ma kölhö su yêc in, nan tôm bu ɲadau ndic in ndu. Tu dinaɲ-nga dec Pol to bapia ma ndac Pilemon bu kôc Onesimus sa ti atac ɲayham, ma lic in tôm ɲac akin dom, magoc tôm asidôwa kên whin-nga dan. Bu kwahic dec ɲac dau kên whin Yisu Kilisi.

Pol whê bapia dindéc ɲahu sa

¹ Aô Pol, nan gandöc gapocwalô tu Yisu Kilisi-nga, alu Timoti yac neɲ asidôwa, ato bapia dindéc tênh Pilemon, alu mba silip ɲayham nan kôm Anötö ndê gwelen whin alu. ² Ma yac ato tênh lau sêkên whin-nga nan êlêmê sêkac sa bu sêlic om sêmbo am nem andu, ma tênh yac neɲ lhuɲwê Apia, ma tênh Akipus yac neɲ asidôwa nan kôm gwelen whin yac tôm Anötö ndê ɲac sin-nga

ņayham. ³ Mwasin ti yom malô akêņ Daman Anötö lu Pômdau Yisu Kilisi, têņ mac hoņ.

Pol gêm danęe Anötö tu Pilemon-ņga

⁴ Yêc aneņ mbec hoņ ñalôm, aö gauc gêm am, ma gam danęe aneņ Anötö tu am-ņga. ⁵ Nahu bu aö ganęô bu am kêņ whin Pômdau Yisu ñanęa, ma am atac whin Anötö ndê lau dabuņ hoņ. ⁶ Aö gaten mbec bu mwasin ñayham hoņ naņ yac datap sa yêc Kilisi, naņ oc lhac am nem gauc ñamata tôm bêc hoņ. Ma bocdinaņ am nem kêņ whin oc nem ñandô daêsam ma nem lau daêsam sa. ⁷ O aneņ asidôwa, ñawaê pi am nem mêtê atac whin lau sêkêņ whin-ņga ti gêm ñac sa-ņga, dec kôm aö atac ñayham atu ma puc aö dôņ.

Pol gêm malô Pilemon ndê ñalôm tu Onesimus-ņga

⁸ Aö bu wandac am tu gêņ dan-ņga. Gitôm bu wandic atu am bu kôm gêņ dau tu Kilisi ndê ñaê-ņga. ⁹ Magoc tu mêtê atac whin dau-ņga, dec wasôm ñambwa têņ am. Am kêyalê aö su, aö ñgac andô Pol naņ gandöc gapocwalô tu Yisu Kilisi-ņga. ¹⁰ Aö bu wanem aö neņ balê Onesimus awha têņ am. In ñgô mêtê naņ aö gahoc asê yêc gapocwalô, ma kêņ whin dec aö gasam in bu aö atuņgac. ¹¹ Muņ-ņga in gêm akin am, tigen in hu am sin dec am gêlic in bu ñgac akin sac. Magoc kwahic dec in ti ñgac akin ñayham tôm bu oc nem alu lu-lu sa. ¹² Aö tac whin in ñandô, magoc kwahic dec wanķin in mbu têņ am loc. ¹³ Aö gandöc gapocwalô tu gwelen ñawaê ñayham-ņga, ma aö tac whin bu wakôc Onesimus dôņ gacgeņ mbo whin aö bu

nem aö sa. Am bu lic ñayham bu hu inñ sinñ bu mbo whinñ aö, dec am oc nem aö sa ñandô. ¹⁴ Magoc aö gatec bu wakac am bu hu inñ sinñ tññ aö. Aö atac whinñ bu am kôm tu am daôm nem atac whinñ-nga. Tu dinanñ-nga dec aö oc wakôc inñ dôñ bu mbo whinñ aö lec dom, bu aö gangô yom gatô yêc am su dom.

¹⁵ Mboe Anötö gêlic ñayham bu Onesimus hu am sinñ ñasawa apê, tu bu inñ tap señ ndöc tali ñapanñ-nga sa, ma bocdinanñ inñ oc mbu loc ma mbo whinñ am ñapanñ eñ. ¹⁶ Ma inñ oc mbo whinñ am gitôm ñgac akinñ ñambwa dom. Kwahic dec inñ hôc gêlêc ñgac akinñ, inñ ti am nem asidôwa tac whinñ-nga solop. Aö atac whinñ inñ ndu andô, magoc aö kayalê bu am oc atac whinñ inñ hôc gêlêc. Ñahu bu inñ am nem ñgac akinñ, ma inñ am nem asidôwa kênñ whinñ Pômdau-nga whinñ.

¹⁷ Bocdinanñ am bu lic aö tôm nem asidôwa danñ, dec kôc inñ sa tôm am kôc aö dauñ sa. ¹⁸ Giso me tôp bocke nanñ inñ kôm tññ am, nanñ hu sinñ sip aö amanñ. ¹⁹ Aö Pol gato yom dindéc ña aö dauñ amanñ, ma aö wasôm tññ am bu aö oc waô inñ ndê tôp tññ am. Magoc gauc nem bu am daôm nem tôp yêc aö bocdinanñ, ñahu bu tu aö-nga dec am tap señ mbo tamli-nga sa. ²⁰ O aneñ asidôwa, aö wandac am bu kôc Onesimus sa tu Pômdau Yisu Kilisi ndê ñaê-nga, dec oc kôm aneñ ñalôm tigahô. ²¹ Aö gato bapia dindéc tññ am, ma gakênñ whinñ bu am oc sôc aneñ yom ñapu, ma kôc Onesimus sa ti atac whinñ, hôc gêlêc gênñ nanñ aö gandac, nanñ su.

Yom ñambu-nga

²² Ma gêñ dan tiyham. Aö wandac am bu êmasañ am nem andu ñalôm dan gwanañ, tu aö waloc wambo-nga. Nahu bu aö gakêñ whiñ bu Anötö oc ñgô mac nem mbec, dec gakêñ batañ bu wahu gapocwalô siñ ma wati ñacleñ mac.

²³ Epapras nañ ndöc gapocwalô whiñ aö tu Yisu Kilisi-nga, nañ kêñ ndê acsalô têtñ am. ²⁴ Ma Mak lu Aristakus, ma Demas lu Luk nañ sêkôm gwelenj sêwhiñ aö, nañ bocdinañ.

²⁵ Pômdau Yisu Kilisi ndê mwasiñ puc mac honj nem ñalôm dôñ.

Anötö ndê Yom Lêñsêm Wakuc
Bugawac: Anötö ndê Yom Lêñsêm Wakuc New
Testament

copyright © 2013 Lutheran Bible Translators Australia

Language: Bugawac

Contributor: Wycliffe Bible Translators, Inc.

All rights reserved.

2020-11-11

PDF generated using Haiola and XeLaTeX on 21 Feb 2024 from source
files dated 29 Jan 2022

1dcc5a6c-3c1e-54e8-aa77-af18a3782048